



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex
maiorum ingenio, Theoria, Praxis, obligatio, & exquisitus vsus, additis
opportune Decretis omnibus S. Rituum Congreg. quàm breuissimè
explicantur.

Gavanti, Bartolommeo

Venetiis, 1647

De Vesperis. 5.

urn:nbn:de:hbz:466:1-9521

idem, protegunt nos in tribus horis sequentibus. nam qualibet ex his tribus horis tres continet temporis horas, ut patet, immo, ut idem ait cap. 1. ibid. in Prima, Tertia, Sexta, & Nona, duodecim canimus Psalmos (in Festis) pro numero duodecim Horatum diei, ut Deo praesentes simus omnibus horis.

4 Addit Hugo loco citato in Psalmis opera denotari, quia Psalterium manus sonatu. In antiphona, que est reciproca, caritate geminam, & coniungitur Psalmis, quia sine caritate nulla sunt, & nullius meriti opera nostra. Capitulum autem esse exhortationem boni operis. Responsorium breve nouum opus bonum significare. in Versu, ad Deum, fructum boni operis contineri. & his positis, Oratio, seu Collecta in fine recte concludit Hora m.

De Vesperis. Cap. V.

1 **V**espera à sydere, quod Vesper nominatur, & decidente Sole, oritur, inquit Isidor. lib. 1. de offic. capit. 20. Sed ex Iansenio in Concordia capit. 57. latius paret vocabulum. significat enim tempus, tum ante Solis occasum. vt Matth. 14. Vespere factō, actum est defatiandis quinque millibus; tum post occasum Solis, vt ibidem additur; Vespere autem factō, solus erat ibi. Lucernarium dicebantur à Hieron. in epist. ad Letan.; & Lucernaris Hora à Cassiano lib. 3. de Can. cap. 3. eo quod dum lucernæ accenderentur, preces vespertinæ persolui solebant, ait Azor. lib. 10. cap. 2. quæst. 10. Duodecimam appellat Concil. Turense. 2. can. 19. qua ultima diei hora recitabantur. Durantis de rit. lib. 3. cap. 11. afferit, Ecclesiam constituisse, ut post Nonam decantarentur, quo plures de populo adesse possent. Puto ego, quod tardius, quam nunc, cantaretur Nona.

2 Certe à primis Vesperis inchoatur Festum, quod forte à Davide deduci potest: Vespere, inquit, mane, & meridie narrabo, &c. Psalm. 54. docet Amalar. de ordine Antiph. cap. 16. deductum ab

Hebreis, quibus dictum est: Festa vestra celebrabitis à Vespera usque ad Vesperam. Et verè magnitudo Festi exigit, ut prius incipiat, hoc est, à Vesperis pridianis; & tardius terminetur, id est, usque ad Completorium dici Festi. cap. 2. de Fe-riis in princip. Radulph. autem proposit. 18. assignat hunc ritum primarum Vesperatum Dominicis, & quibuscumque Festis nouem lectionum.

3 Prima Vespera nobiliores sunt secundis, teste Amalar. loc. cit. quod & hodie in Cappella Papali, obseruatur, que non habet secundas Vesperas eoram Papas, sed tantum primas, quia initium Festi reputantur esse.

4 Præter ea, que dicta sunt de paritate Vesperarum cum Laudibus capite 2. n. 5. hæc addi possunt, in laudem Vesperam, nam in Vesperris commemoratur Adventus Domini, vrgente mundi Vespe- re. Hugo in Spec. cap. 2. tūm in Vesperis offerebant Abraham, & Patriarchæ sacrificia; Gemma lib. 2. cap. 62. tūm commendatur sacrificium Vespertinum à Davide Psalm. 140.

5 Ordo in Rubricis nullam habet difficultatem, ad mysteria vocor. nam quinque Psalmi vulnera Christi recolēda monent, quorum ultimum vulnus hora Vespertina sicut sacro lateri illatum, & in Vespera mundi; Gemma lib. 2. c. 62. Item, quia sicuti quinque sensibus quotidiano affectu tendimus ad tenebras; ita necesse est, ut initio noctis pro eis veniam precemur; Amalar. lib. 4. de offic. capit. 7. qui & addit ibidem, quod illis necesse est deplorare quinque carnales suos sensus, quibus occidit verus Sol; vt in Matutino, id est, in euashione peccatorum, quando Sol eis iterum inchoat oriri, possint lata- ri. tenemus etiam quinque hos Psalmos quasi lampades Virginum quinque, ut veniente nocte Domino obuiam eamus; ait idem de Ordin. Antiph. cap. 6.

6 In Festis Sanctorum idem ferè dicuntur Psalmi, qui in Dominicis: quia si- cuti Dominica victoriā Christi resurgentis repräsentat; ita Psalmi eiusdem victoriā per Christum resonant ele- ctio-

ctorum Domini, Amalat. lib.3. cap.7.

7 De Capitulo, quod lectionem vocat Amal, ibidem, & post Psalmos collocat: De Hymno, de quo Hugo post Capitulum in Spec. cap.3. (non autem meminit Hymni Amal.) ut scilicet venienti Domino psallentes, & jubilantes, occurramus; ait Gemma lib.2. cap.62. De Versu, quo conuersi ad Deum cum Virginibus, quasi ostium pulsamus, Gemma ibidem, dicemus fusiūs in seq. Sectione.

8 Canticam *Magnificat*, passim vocatur, in Ordine Romano, Euangelium, quia ita est *Luc. 1.* Et cantatur in Vesperis ob multas causas. Primo, quia à Vespere inchoatur Festum, & hoc Canticum in Euangelio est in ordine primum. Secundo, Vesperæ sunt nobiliores Laudibus, & Completorio, quibus ideo debetur Canticum nobilius Terriò, quia sub Vesperam Beata Virgo peruenit in domum Elisabeth, quam salutavit, & Canticum statim hoc composuit; Bennzonius in *Magn.* lib.1. cap.20. Quartò, Amalarius addit de ordine *Antiph. c.6.* vt Maria cum suo Cantico introducat Virgines cum quinque lampadibus, & hoc est, Psalmis quinq; preparatas ad Christum. Quintò, ex eodem lib.5. de offic. c.7. vi castigatis, sensibus per quinque psalmos, castigantur cogitationes cordis tumescientis cum humilitate, de qua in Catico B. Virg. agiur. Sextò, vt animos fidelium frequentior Dominicæ incarnationis memoria (quotidie namque dicitur) ad affectum deuotionis accendat; & recognitata sepius exempla Genitricis illius in virtutum soliditate nos confirmet; & hoc præsettum in Vesperis, & incumbente quietis tempore mens inde fatigata ad uniuersum se suæ considerationis colligat. Idem *ilidem Septimiò*, est Durand. lib.5. cap.9. ex, *Beda, Magnificat*, cantatur ad Vespertas, quia in ipsa Vespera mundi suo assensu Beata Virgo mundo succurrerit perditò; & ipsa est Vespera Stella Maris. Octauò denique in sexta laude ex horis septem conuenit hoc Canticum cantari, in quo Dominus ille veniente dicitur, qui ad Vesperam mundi venit ad

nos in sexta mundi ætate.

9 De Oratione, Præcibus Suffragijs, & fine Vesperarum suis locis in Sectione sequenti.

De Completorio. Cap. VI.

1 **V**ox Completorium reperitur pri-
mò in Regula Sancti Benedicti
cap.42. Completam vocat Isidor. lib.1.
de offic. cap.21. Vel quia in ea compleatur
quotidianus usus cibi, potus, & locutio-
nis apud Regulares, ex Amalar. lib.4. de
offic. c.8. Vel quia in Completorio sum-
ma est perfectio diuinorum officiorum
ex eodem de ordine *Antiph. capit.7.* Vel
quia compleatur dies servitutis nostræ,
Gemma lib.2. cap.64. Vel compleatur to-
tum officium diuinum, ait Beda in libro
Medit. passion. Christi cap.1. Vel quia ip-
sam dies compleatur ea Hora; Archid. in
cap. solent, de consecr. dist. 1.

2. Eius origo rei desumi potest cum
Isidor. loco citat. à Davide, qui *Psal. 131.*
Si dedero somnum, ait, *oculis meis, donec*
inueniam locum Domino; vel à Sancto Ba-
silio, qui in reg. fusiūs disp. interrog. 37 me-
minit Psalmi, *Qui habitat, licet Bis-
tuum aliter explicet Francolin. 1. part.*
c.19 initio. sed Durantus de rit. lib.3. c.12.
quem sequuntur Azor. lib.10. cap.2. quæst.
1.1. & Suar. lib.4. de Hor. can. cap.5. nu.9.
explicat de Completorio. Colligit Suar.
Completorium ex Amb.5. Exam. c.12.
& lib.3. d. *Virginibus*; immo ex Cypriano
videtur posse colligi, lib.1. de oratione,
vbi ait recedente Sole, ac discidente
necessario rursus est orandum, vbi in
primo verbo, *recedente*, Vespera in altero,
discidente notat Suar. Completorium.
Verum ijs primis temporibus rude fuit
potius, quam completum Completoriū.

3 Additum fuisse Cassiani tempore si-
muleum Prima certum est, vt docimus
supra c.3. huius Sectionis, vbi etiam cum
Prima comparavimus Completorium.

4 Sequitur ex dictis, illud esse recitan-
dū congruentius hora duodecima, nimi-
rum, quando Christus sepultura fuit tra-
ditus,

